

## Pantun Raya

	Gemersik takbir mengundang tiba, Salam diutus tanda ingatan; Syawal dinanti menjelang tiba, Salam diutus pohon kemaafan.
	Kalau ada jarum yang patah, Jangan disimpan di dalam peti; Kalau ada silap dan salah, Jangan disimpan di dalam hati.
	Bermacam jenis kuih raya, Termasuk juga karipap; Minta maaf daripada saya, Kalau ada salah dan silap.
	Baju raya berwarna-warni, Pelbagai potongan dan cita rasa; Saya mengambil peluang ini, Mengucapkan Selamat Hari Raya.
	Sungai disusur sehari-hari. Dalam gelap menangkap ikan; Saya menyusun sepuluh jari, Salah dan silap harap maafkan.
	Dalam bersenda mungkin terkasar bahasa. Dalam bergurau mungkin terlanjur kata; Dalam berjanji mungkin ada yang tidak dikota, Seikhlas kemaafan kami pinta.
	Satu Sayawal menjelang tiba, Takbir bergema menyentuh jiwa; Sekiranya ada salah dan dosa, Ampun dipinta di hari mulia.
	Sayup terdengar takbir raya, Mata berkaca syukur meraikan, Hari raya Aidilfitri disambut gembira Bersama tersayang dan rakan taulan.

	Di pagi hari berkabut perang, anak bentara seberang tanjung; Aidilfitri disambut girang, sanak saudara datang berkunjung.
	Makan ketupat dalam pinggan, Minum air dalam gelas, Selamat Hari Raya saya ucapkan, Maaf dipinta sambut tangan dibalas.
	Bulan Ramadhan kita berpuasa sebulan; Bulan Syawal disambut riang bersama; Salam Aidilfitri kepada rakan dan taulan; Ampun maaf juga buat sanak saudara
	Lemah-lembut langkah diatur, Cantik busana indah dihiaskan; Aidilfitri disambut penuh syukur, Ceria suasana kemenangan diraikan.
	Malam raya pasang pelita, Pelita dipasang di atas para; Ampun maaf sesama kita, Hulurkan tangan berjabat mesra.
	Terang sungguh cahaya pelita, Anak kecil berlari-lari, Salam dihulur ampun dipinta, Gembira bersama di Aidilfitri
	Sebulan sudah kita berpuasa, Menahan lapar juga dahaga, Debaran Syawal makin terasa, Pasti disambut seisi keluarga.
	Pohon jambu pohon mengkudu, Dahan dipotong dibuat ampaian, Ramadan berlalu terasa rindu, Syawal dirai penuh kesyukuran.

	<p>Ketupat palas penuh berinti, Buat hidangan di pagi raya, Kemaafan dipohon seikhlas hati, Syawal disambut riang dan ria.</p>
--	--